

Nunalerinermut tunngassuteqartuni ineriartortitsinerup siuarsarnejarnissaa pillugu Namminersornerullutik Oqartussat nalunaarutaat

Nunalerineq pillugu Inatsisartut inatsisaat nr. 5, 2. maj 1996-imeersumi § 11 naapertorlugu aalajangersarneqarpoq:

Atuuffi

§ 1. Nalunaarummi matumani pineqarpoq nunalerinermut tunngassuteqartuni ineriartortitsinerup siuarsarneqarneranut tapiissutinik malittarisassaqaqtitsinikkut aqutsineq.

Nutarteraluni ineriartortitsinerup tapiissuteqartarneq

§ 2. Inuussutissarsiornermut Pisortaqaarfik ukununga tapiissuteqarsinnaavoq;

- 1) nunalerinermut tunngatillugu ineriartortitsinerup suliareqqiisarnernillu suliniutinut,
- 2) nunalerinermut tunisassianik suliareqqiisarnernut inuussutissarsiornermut tunngatillugu iluaqutigineqarnissaat siunertarlugu,
- 3) nunalerinermut tunisassiamik nutaamik nittarsaassinerup tunitsivissarsiornermut aningaasartuutitut imaluunniit nunalerinermut tunisassiamik ilisimaneqareersumik tuniniaavimmi nutaami nittarsaassinerup, imaluunniit nunalerinermut tunisassiat Kalaallit Nunaanni tunisassiarineqartut pillugit nalinginnaasumik tunitsivissarsiorluni suliniuteqarnernut atatillugu,
- 4) misissuinerup, nunalerinermut tunngassuteqartuni periarfissanik nutaanik nassaarniarluni qulaajaanernik siunertalinnut, taamatuttaaq siunissami tunisassiarineqartut tamakkulu pisortanik ingerlatsivigineqarnissaat pillugit ilisimasassanik pisariaqartinneqartunik pissarsiniartarnernut,
- 5) maannakkut tunisassiaareersut pillugit uumassusilinnut nunalerinermullu tunngatillugu misissuinerup kiisalu nunanik misissuinerup uppersaasarsuisarnernullu, isumalluutitigut tunngavigisat avatangiisinut aningaasartuutimullu tunngatillugu illersorneqarsinnaasumik iluaqutigineqarnerisa qulakkeerneqarnissaannut sunniuteqaqataasussanut, aamma
- 6) misissuinerup, tunisassiarineqartut naleqarnerulersinneqarnissaanik pisariillisaavigineqarnissaanillu siunertalinnut kiisalu tamakku ingerlatsivigineqarnerisa pitsanngorsarnissaannut suliniutinut.

§ 3. Qinnuteqaateqartut suliniutissaatut pilersaarutaat tapiissuteqarfigineqarsinnaatitaasut, \pm 2 malillugu aningaasartuutit uppersarneqartut akilerneqareersimasullu suliniutissaatut pilersaarummut pineqartumut attuumassuteqartut annerpaamik 50 %-ii tapiissutisarisinnaavaat, taamaattoq § 9 takuuk.

Imm. 2. Nalunaarummi matumani aningaasartuutitut paasineqassapput toqqaannartumik akissarsianut, siunnersortinik ikiorteqarnernut, pisariaqartinneqartumik angalanernut aningaasartuutitut, atortussanut, immikkut atortussanut suliniutissatullu pilersaarutip aalajangersimasup misilerarneqarneranut

anigaasartuutit. Taamaattorli sanaartukkanut anigaasaliissutitut, nalikilliliinerni peqataassutitut, ininut anigaasartuutit kiisalu nalinginnaasumik ingerlatsinermut kiffartuussinernullu anigaasartuutit ilaatinneqarsinnaanngillat. Taamatuttaaq suliniutitut anigaasartuutit, ullup anigaasaliissuteqarfup siornaniittut ilaatinneqarsinnaanngillat.

Imm. 3. Ukiut ataasiakkaarlugit tapiissuteqartoqartassaaq. Qinnuteqaateqartoqaqqisinnaavoq.

Tapiissuteqarfigineqarsinnaanermut piumasaqaatit

§ 4. § 2 malillugu tapiissuteqarfigineqarnissamik qinnuteqaatit Inuussutissarsiornermut Pisortaqarfimmut nassiunneqartassapput.

Imm. 2. Inuussutissarsiornermut Pisortaqarfup suliniutip erseqqissarneqarnissaanut immikkut qinnuteqarnermut immersuiffissaq qinnuteqaateqartumit immersorneqartussaq suliarisinnaavaa.

Imm. 3. Taaamaallaat qinnuteqaatitut suliniummik aalajangersimasumik imalinnut tapiissuteqartoqarsinnaavoq. Qinnuteqaateqartup suliamut aalajangersimasumut tunngatillugu nassuiaateqarfigissavai suliniutigineqartoq qanoq ingerlareersimatiginersoq aamma suliniuteqarnermi suna anguniagaanersoq kiisalu anguniakkap taassuma anguneqarnissaanut suliat isumagineqartussatut naatsorsuutigineqartut.

§ 5. Qinnuteqaateqartup suliniutip naammassinissaanut suliamut tunngatillugu pisariaqartinneqartumik tunuliaqutarisani uppersarsinnaassavai. Piumasaqaatit tamakku naammassisinnaajumallugit qinnuteqaateqartoq ineriartortitsinermik sulinerup taassumaluunniit ilaata naammassineqarnissaa pillugit suliffeqarfimmut sullissivinnulluunniit allanut isumaqatigiissuteqarsinnaavoq.

Imm. 2. § 2, imm. 1, nr. 1-3 naapertorlugit suliniutitut tapiissuteqartoqarnissaanik qinnuteqaatini suliniutip anigaasanik iluanaaruteqarnissaq siunertaralugu niuernermit tunngatillugu imminut akilersinnaassuseqarnerata ilimanassuseqarnera uppersaaserneqassaaq. Piumasaqaatit tamakku naammassisinnaajumallugit qinnuteqaateqartoq anigaasaleeqataasoqarsinnaaneranik suliffeqarfimmut allanut imaluunniit sullissivinnut allanut isumaqatigiissuteqarsinnaavoq.

Nalunaaruteqartarnej

§ 6. Suliniut piumasaqaatit piffissaliussallu, qinnuteqaateqartup aamma Inuussutissarsiornermut Pisortaqarfup akornanni tapiissuteqarnissamik isumaqatigiissummi aalajangersimasumi aalajangersarneqartut tunngavigalugit taakkulu iluanni naammassineqassaaq.

§ 7. Naammassininnissamik piffissaliussap isumaqatigiissutigineqartup kingornatigut kingusinnerpaamik qaammatit pingasut qaangiunneranni suliniummut naatsorsuutit aamma suliniummut suliamik ilisimasallit nalunaarusiaat Inuussutissarsiornermut Pisortaqarfimmut nassiunneqassapput, taannali pisinnaatitaavoq piffissaliussaq sivikillillugu aalajangersaasinnaanissaminut. Inuussutissarsiornermut Pisortaqarfup suliamik ilisimasallit nalunaarusiaat apeqqutinik akisilluni immersuiffissamik immersuinikkut akineqaaqqusinnaavaa. Akissuteqarluni nalunaaruteqannginnerup kingunerisinnaavaa tapersiissutit akiliutigineqareersut utertillugit akileqquneqarnerannik piumasaqaateqarnej.

Imm. 2. Aallaqqaammut ineriartortitsinissamik pilersaarummut naleqqiullugu annertuunik allanngortoqarpat Inuussutissarsiornermut Pisortaqarfimmut akissuteqarluni nalunaaruteqartoqassaaq, taamatuttaaq suliniut naammassineqarsinnaajunnaartutut nalilerneqarpat. Akissuteqarluni nalungaaruteqanngitsoornerup kingunerisinnaavaa anigaasat tapiissutigineqartussat suli akiliutigineqanngitsut unitsinneqarnerat.

Tapersiissutissanik akuersissutigineqareersunik unitsitsineq

§ 8. Tapersiissutissanik akuersissutigineqareersunik akiliuteqarnissaaq § 7-imi taaneqartut saniatigut unitsinneqarsinnaavoq imatut pisoqarpat;

- 1) Inuussutissarsiornermut Pisorta qarfiup suliniut naammassineqarsinnaajunnaartutut nalilerpagu,
- 2) tapiissutininik tiguisusaaq eqqunngitsunik paatsoortitsisinnaasunilluunniit paasissutissiisimappat,
- 3) tapiissutininik tiguisusaaq tapiissutit tunniunneqarnissaannut paasissutissat pingaarutillit nipangiussimappagit imaluunniit
- 4) tapiissutininik tiguisusaaq piffissaliussat isumaqatigiissutigineqartut eqqortissimanngippagit, § 6 takuuk.

Immikkut akuersissuteqarsinnaaneq

§ 9. Inuussutissarsiornermut Pisorta qarfiup suliniutip naammassineqarnissaanut pisariaqartinneqartutut isumaqarfigineqarpat § 3, imm. 1-imi procentiliussanik taaneqartoq aalajangersimasumik nalilersuereerluni saneqqussinnaavaa.

Atuutilersitsineq

§ 10. Nalunaarut manna 10. juli 2001-imi atuutilerpoq.

Namminersornerullutik Oqartussat, 22. juni 2001.

Simon Olsen

/

Amalie Jessen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

